



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and Youth

Broj: 11/03-33-13278-2/20
Sarajevo, 30.09.2020. godine

KANTON SARAJEVO
SKUPŠTINA KANTONA SARAJEVO
n/r Presjedavajućeg Skupštine Kantona Sarajevo
Dr. Čelik Mirze

Predmet: Odgovor na zastupničku inicijativu

Na sjednici Skupštine Kantona Sarajevo održanoj dana 20.08.2020. godine, zastupnica u Skupštini Kantona, Dizdarević Neira na osnovu člana 211. i 214. Poslovnika Skupštine Kantona Sarajevo ("Službene novine Kantona Sarajevo" – Drugi novi prečišćeni tekst br. 41/12, 15/13, 47/13, 47/15 i 48/16) postavila je zastupničko pitanje vezano za provedbu Zaključka Skupštine Kantona Sarajevo broj 01-04-25003-8/20 od 28.07.2020. godine, u pisanom obliku.

Obzirom da se pitanje zastupnice Neire Dizdarević sastoji iz 13 (trinaest) pitanja Ministar za obrazovanje, nauku i mlade Kantona Sarajevo, u skladu sa molbom i odredbama Poslovnika dostavlja odgovor po tačkama, tj. pitanjima koje su iz nadležnosti Ministarstva na sljedeći način:

O D G O V O R

1. Sve akte koje je donijelo Ministarstvo za obrazovanje, nauku i mlade Kantona Sarajevo, a koji su vezani za predmetnu problematiku, potpisao je ministar, što znači da je to zvanični stav Ministarstva a ne lični stav državnih službenika koji su učestvovali na izradi predmetnih akata.

2. Ministarstvo za obrazovanje, nauku i mlade Kantona Sarajevo nije informisano o postupanju Javne ustanove "Djeca Sarajeva" Sarajevo u vezi sa predmetnim pitanjem, ali napominjemo da je nadležno resorno ministarstvo – Ministarstvo zdravstva Kantona Sarajevo, dostavilo mišljenje u kojem je navedeno da je mjerodavno samo ljekarsko uvjerenje izdano od strane Javne ustanove Dom zdravlja Kantona Sarajevo.

3. Izdavanje ljekarskih uvjerenja i ustanova koje izdaju iste pripada po nadležnosti Ministarstvu zdravstva Kantona Sarajevo i stav, odnosno mišljenje tog resornog ministarstva je jedino relevantno po pitanju predmetne problematike.

4. i 5. U periodu upisa djece u osnovne škole na području Kantona Sarajevo u školsku 2020/2021. godinu, kako je već poznato, nastupilo je stanje pandemije uzrokovane virusom Covid-19. S obzirom da je Ministarstvo za obrazovanje, nauku i mlade Kantona Sarajevo zaprimilo više



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



informacija od strane roditelja o nemogućnosti obavljanja ljekarskih uvjerenja u JU Dom zdravlja KS. uputilo je zahtjev nadležnom resornom ministarstvu – Ministarstvu zdravstva Kantona Sarajevo u kojem traži dostavljanje informacije da li Javna ustanova Dom zdravlja Kantona Sarajevo može do 01.08.2020. godine, obaviti sve ljekarske preglede djece koja se upisuju u osnovnu školu te u koliko dostave negativan odgovor da navedu listu privatnih zdravstvenih ustanova u Kantonu Sarajevo koje mogu izdati validna ljekarska uvjerenja, kako bi se lista navedenih dostavila roditeljima i osnovnim školama radi lakšeg i pravovremenog obavljanja ljekarskih pregleda djece. Također, Ministarstvo za obrazovanje, nauku i mlade Kantona Sarajevo predložilo je Ministarstvu zdravstva Kantona Sarajevo da pokrene inicijativu prema Zavodu zdravstvenog osiguranja Kantona Sarajevo za refundaciju sredstava roditeljima koji se budu opredijelili da ljekarski pregled svoje djece obave u privatnim zdravstvenim ustanovama. Nakon navedenog zahtjeva te urgencije po istom ovo Ministarstvo je zaprimilo informaciju Ministarstva zdravstva Kantona Sarajevo, kao nadležnog resornog ministarstva, da je jedino mjerodavno ljekarsko uvjerenje izdano od strane Javne ustanove Dom zdravlja Kantona Sarajevo, koja informacija je objavljena i proslijeđena svim osnovnim školama na području Kantona Sarajevo.

6. i 7. Odgovori na postavljena pitanja su u nadležnosti resornog Ministarstva, a nisu u nadležnosti Ministarstva za obrazovanje, nauku i mlade Kantona Sarajevo.

8. Akt kojim se traži dostava informacije iz nadležnosti Ministarstvu zdravstva Kantona Sarajevo po predmetnim pitanjima upućen je Ministarstvu zdravstva dana 16.06.2020. godine, a zatim dana 14.07.2020. godine upućena je urgencija po istom aktu.

9. Odgovor na postavljeno pitanje nije u nadležnosti Ministarstva za obrazovanje, nauku i mlade Kantona Sarajevo.

10. Prema informacijama koje su dostavljene Ministarstvu za obrazovanje, nauku i mlade Kantona Sarajevo od strane roditelja i osnovnih škola, sva djeca su na vrijeme upisana u osnovnu školu te je u saradnji sa Ministarstvom zdravstva Kantona Sarajevo i Javnom ustanovom Dom zdravlja Kantona Sarajevo pronađen najadekvatniji način za obavljanje ljekarskih pregleda u svrhu izdavanja ljekarskih uvjerenja za upis djece u osnovnu školu.

11. Ministarstvo za obrazovanje, nauku i mlade Kantona Sarajevo uputilo je predmetnu inicijativu, već pri prvom obraćanju Ministarstvu zdravstva Kantona Sarajevo, kao nadležnom resornom ministarstvu.

S poštovanjem.

MINISTAR

Mr. Anis Krivić

Dostaviti:

- Predsjedavajućem Skupštine Kantona Sarajevo
Dr. Čelik Mirzi

- Službi za skupštinske poslove Kantona Sarajevo



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

